



## Jadual Pembacaan Khutbah Jumaat Siri 6/2023 (Bulan Jun Tahun 2023)

| تاریخ                                  | تاجوق                                                                           | ب  |
|----------------------------------------|---------------------------------------------------------------------------------|----|
| 2 Jun 2023M/<br>13 Zulkaedah<br>1444H  | <b>Santuni Tetangga: Membawa Ke<br/>Syurga</b>                                  | 1. |
| 9 Jun 2023M/<br>20 Zulkaedah<br>1444H  | Sempena MTHQK 2023<br><b>Al-Quran Sahabat Sejati Teman<br/>Sehidup Semati</b>   | 2. |
| 16 Jun 2023M/<br>27 Zulkaedah<br>1444H | Sempena MTHQK 2023<br><b>Kenali dan Kenalkan Al-Quran:<br/>Manual Kehidupan</b> | 3. |
| 23 Jun 2023M/<br>4 Zulhijjah 1444H     | <b>Berkorban Demi Cinta</b>                                                     | 4. |
| 30 Jun 2023M/<br>11 Zulhijjah<br>1444H | <b>Hikmah Di Sebalik Ibadah Haji</b>                                            | 5. |
| <b>Khutbah Kedua</b>                   |                                                                                 |    |

دبیایاء:



زكاة فولاو فينغ

دتربیتکن:



جابتن حال إحوال اگام اسلام فولاو فينغ

---

**Jawatankuasa**  
**Panel Semakan Teks Khutbah**  
**Negeri Pulau Pinang**

---

- 1. SS Dato' Seri Dr. Haji Wan Salim bin Wan Mohd Noor (Pengerusi)**  
Mufti Kerajaan Negeri Pulau Pinang
- 2. Y.Bhg Dato' Rosli bin Othman**  
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Mantan Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**  
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)





# Hikmah Di Sebalik Ibadah Haji

30 Jun 2023M/ 11 Zulhijjah 1444H

الْحَمْدُ لِلَّهِ الْكَرِيمِ الْقَهَّارِ، الرَّحِيمِ الْغَفَّارِ، دَعَا عِبَادَهُ إِلَى أَشْرَفِ بَيْتٍ وَأَعْظَمِ مَزَارٍ،  
وَنَادَاهُمْ إِلَى أُمِّ الْقَرَى لِيَغْفِرَ لَهُمُ الدُّنُوبَ وَالْأَوْزَارَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، تَفَرَّدَ بِالْبَقَاءِ وَالِدَّوَامِ وَالْإِفْتِدَارِ،

وَأَشْهَدُ أَنَّ مُحَمَّدًا عَبْدُهُ وَرَسُولُهُ، خَيْرُ مَنْ طَافَ وَسَعَى وَرَمَى الْجِمَارَ.

صَلَّى اللَّهُ وَسَلَّمَ وَبَارَكَ عَلَى سَيِّدِنَا مُحَمَّدٍ خَيْرِ الْأَبْرَارِ، وَعَلَى آلِهِ الْأَظْهَارِ،

وَصَحْبِهِ الْأَخْيَارِ، وَالتَّابِعِينَ وَتَابِعِيهِمْ بِإِحْسَانٍ مَا تَعَاقَبَ اللَّيْلُ وَالنَّهَارُ.

أَمَّا بَعْدُ: فَأَوْصِيكُمْ أَيُّهَا النَّاسُ وَنَفْسِي بِتَقْوَى اللَّهِ سُبْحَانَهُ، فَاتَّقُوهُ وَأَطِيعُوهُ،  
وَرَاقِبُوهُ وَلَا تَعْصُوهُ.

## SIDANG JUMAAT YANG DIRAHMATI ALLAH SEKALIAN,

Pada hari yang penuh kemuliaan ini, khatib berpesan kepada diri sendiri serta sidang jemaah yang dirahmati Allah **سُبْحَانَهُ وَتَعَالَى** untuk bersyukur kerana diberikan kesempatan oleh Allah untuk berhimpun di rumah-Nya.

Justeru, marilah kita mengambil peluang ini untuk terus memperkukuh keimanan dan ketakwaan kepada Allah **سُبْحَانَهُ وَتَعَالَى** dengan sebenar-benarnya, melaksanakan segala perintah-Nya dan menjauhi segala larangan-Nya. Mudah-mudahan kita dijauhi dari setiap malapetaka dan musibah daripada Allah **سُبْحَانَهُ وَتَعَالَى**.



Sebelum melanjutkan bicara, ingin khatib memberikan peringatan. Marilah kita bersama-sama meninggalkan perbuatan lagha yang bertentangan dengan sunnah serta adab iaitu tindakan yang memesongkan perhatian daripada mendengar khutbah dan isi kandungannya. Hal ini termasuklah perbuatan seperti berbual-bual, tidur dengan sengaja dan bermain telefon bimbit. Bagi melengkapi kewajipan solat Jumaat pada hari ini, marilah bersama kita menghayati khutbah yang bertajuk: **“Hikmah Di Sebalik Ibadah Haji.”**

### **SAUDARA-SAUDARAKU YANG DIKASIHI ALLAH,**

Ibadah haji merupakan rukun Islam yang kelima wajib ditunaikan oleh setiap umat Islam apabila berkemampuan dan cukup syarat-syaratnya. Menurut jumhur ulama', kefarduan haji mula diwajibkan pada tahun keenam hijrah kerana pada tahun itulah turunnya wahyu Allah seperti yang terdapat dalam surah Al Baqarah ayat 196;

وَأَتِمُّوا الْحَجَّ وَالْعُمْرَةَ لِلَّهِ ... ﴿١٩٦﴾

Maksudnya: *“Dan sempurnakanlah ibadah haji dan umrah kerana Allah.”*

Kemampuan bagi mengerjakan ibadah haji bukan hanya sekadar mempunyai perbelanjaan yang mencukupi, namun perlu memiliki kesihatan tubuh badan yang baik dan keamanan dalam perjalanan pergi dan balik. Hal ini membuktikan bahawa memelihara nyawa adalah tuntutan penting di dalam *maqasid syariah* (مَقَاصِد شَرِيعَة) termasuklah sewaktu ingin menunaikan ibadah haji.

### **PARA TETAMU ALLAH YANG DIMULIAKAN,**



Alhamdulillah, negara kita dapat menikmati semula jumlah kuota yang sepatutnya diterima iaitu 31,600 orang jemaah haji tahun ini. Pastinya, ia merupakan khabar yang ditunggu-tunggu oleh semua bakal *Dhuyufur Rahman* (ضُيُوفُ الرَّحْمَنِ) bagi melengkapi rukun Islam yang kelima.

Terdapat pelbagai hikmah di sebalik pensyariatian ibadah haji. Ibadah haji merupakan kaedah penyucian dan ketenangan diri yang mengandungi manfaat dari segi jasmani, mahupun rohani. Tidak mungkin seseorang yang melakukan ibadah haji tidak merasai nikmat tenteram dan tenang kerana bergelar tetamu Allah yang menguasai alam semesta ini.

Mereka yang berazam untuk menunaikan ibadah haji biasanya melakukan tabungan dan simpanan bagi membolehkan terpilih sebagai tetamu Allah. Justeru, secara tidak langsung umat Islam dituntut untuk berjimat cermat dan tidak melakukan pembaziran. Firman Allah dalam surah Al-Isra' ayat 27:

إِنَّ الْمُبَذِّرِينَ كَانُوا إِخْوَانَ الشَّيْطَانِ ۖ وَكَانَ الشَّيْطَانُ لِرَبِّهِ كَفُورًا ﴿٢٧﴾

Maksudnya: “Sesungguhnya orang-orang yang boros itu saudara-saudara syaitan sedang syaitan itu pula adalah makhluk yang sangat kufur kepada Tuhannya.”

## **SIDANG JEMAAH YANG DIMULIAKAN,**

Selain itu, antara aspek kemampuan dalam mengerjakan ibadah haji adalah kemampuan dari sudut kesihatan tubuh badan dan akal fikir. Tidak hairanlah pelbagai *manasik* haji yang memerlukan stamina dan

kecergasan yang tinggi seperti *tawaf*, *sa'ie*, berjalan ke masjid dan ke tempat melontar *jamrah* di Mina.

Oleh itu, pakar-pakar perubatan menyatakan bahawa *manasik* haji mengandungi kesepaduan unsur fizikal dan mental yang sempurna. Ini kerana setiap jemaah haji dituntut agar bergerak dengan aktif dari satu tempat ke tempat yang lain. Aktiviti berjalan merupakan kaedah yang paling baik khususnya bagi mereka yang telah berusia kerana boleh menambah oksigen, mengurangkan kadar kolestrol dalam darah dan mengurangkan risiko terhadap penyakit jantung.

Ketika di tanah suci, jemaah yang agak lemah, sakit, mahupun yang sudah berusia akan merasa kekuatan yang luar biasa dengan izin Allah **سُبْحَانَهُ وَتَعَالَى**. Itu semua bukanlah perkara yang aneh apabila berada di Mekah, tempat yang penuh dengan keberkatan. Sesungguhnya, segala-galanya yang berlaku itu, semuanya adalah kuasa Allah **سُبْحَانَهُ وَتَعَالَى** yang Maha Pemurah lagi Maha Penyayang.

Seterusnya, mereka yang berazam untuk menunaikan ibadah haji juga akan menjaga nafsu syahwat daripada melakukan perkara-perkara yang boleh mendatangkan dosa dan maksiat kerana ibadah haji merupakan ibadah yang mulia dan dilaksanakan di tempat yang mulia. Malah, antara tanda haji yang mabrur adalah penghijrahan diri dan sentiasa istiqamah kepada kebaikan setelah mengerjakan ibadah haji sepanjang hayatnya. Firman Allah dalam surah Hud ayat 112;

فَأَسْتَقِمْ كَمَا أُمِرْتَ وَمَنْ تَابَ مَعَكَ وَلَا تَطْغَوْا إِنَّهُ بِمَا تَعْمَلُونَ بَصِيرٌ ﴿١١٢﴾

Maksudnya: “Maka tetaplah kamu pada jalan yang benar, sebagaimana diperintahkan kepadamu dan (juga) orang yang telah taubat mengikutmu dan janganlah kamu melampaui batas. Sesungguhnya Dia Maha Melihat apa yang kamu kerjakan.”

## **SIDANG JEMAAH YANG DIRAHMATI ALLAH,**

Berdasarkan kitab *Al-Fiqh Al-Islami Wa Adillatuhu* (الفقه الإسلامي), terdapat pelbagai faedah bagi seseorang yang menunaikan haji antaranya menyucikan dosa dan membersihkan jiwa daripada maksiat. Selain itu, seseorang akan terdidik untuk sentiasa bersikap *husnuzzon* (bersangka baik dengan Allah *سُبْحَانَهُ وَتَعَالَى*) dan meningkatkan iman serta keyakinan yang tinggi kepada Maha Pemberi Rezeki. Bukan itu sahaja, manusia juga akan terdidik bagi menzahirkan kesyukuran di atas pelbagai kurniaan daripada Allah. Antaranya, nikmat iman, takwa, ilmu, akal, kesihatan, harta dan sebagainya.

Sewaktu mengerjakan ibadah haji juga akan melahirkan perasaan setaraf dan sama kedudukan sifat kemanusiaan di hadapan Allah *سُبْحَانَهُ وَتَعَالَى*. Ia diterjemahkan melalui pakaian ihram berwarna putih sama seperti jemaah haji yang lain. Para *hujjaj* juga berkongsi slogan *talbiah* yang sama, menuju ke tempat yang sama, tawaf di tempat yang sama, saie pada tempat yang sama, wukuf pada hari, waktu dan tempat yang sama secara serentak.

Teramatlah besar ganjaran bagi mereka yang menunaikan haji dan memperoleh haji yang mabrur. Daripada Abu Hurairah *رَضِيَ اللَّهُ عَنْهُ*, Rasulullah *صَلَّى اللَّهُ عَلَيْهِ وَسَلَّمَ* bersabda:



## وَالْحَجُّ الْمَبْرُورُ لَيْسَ لَهُ جَزَاءٌ إِلَّا الْجَنَّةُ

Maksudnya: “Dan haji yang mabrur tiada balasan (bagi yang menunaikannya) melainkan syurga.”

﴿Hadis Riwayat Al Bukhari dan Muslim﴾

### SIDANG JEMAAH YANG DIRAHMATI ALLAH سُبْحَانَهُ وَتَعَالَى,

Ibadah haji bukan sahaja mendidik manusia untuk mentaati perintah Allah, malah ia juga sebagai manifestasi ujian sama ada seseorang itu sanggup berkorban sebagai tetamu Allah atau sebaliknya. Ingatlah, amat besar dosa yang dipikul oleh seseorang yang sudah berkemampuan dan cukup syaratnya namun tidak mahu menunaikan haji dengan sengaja.

Sebagai panduan bersama, ingin khatib menyenaraikan perkara-perkara penting dalam bicara khutbah pada hari ini:

**Pertama:** Menunaikan ibadah haji dan umrah adalah wajib dikerjakan sekali seumur hidup bagi mereka yang berkemampuan.

**Kedua:** Setiap individu muslim hendaklah menanam azam dan berusaha untuk melaksanakan ibadah haji dan umrah dengan sebaik mungkin.

**Ketiga:** Sentiasa menjaga kesihatan diri dan mendalami ilmu *manasik* haji bagi memperoleh haji yang mabrur.

Mengakhiri khutbah, marilah bersama kita menghayati firman Allah dalam surah Al-Hajj ayat 28:



لَيَشْهَدُوا مَنْفَعَ لَهُمْ وَيَذْكُرُوا اسْمَ اللَّهِ فِي أَيَّامٍ مَّعْلُومَةٍ عَلَىٰ مَا رَزَقَهُمْ مِّنْ بَهِيمَةٍ  
الْأَنْعَامِ فَكُلُوا مِنْهَا وَأَطِيعُوا أَلْبَاسِ الْفَقِيرِ ﴿٢٨﴾

Maksudnya: “Supaya mereka menyaksikan pelbagai manfaat bagi mereka dan supaya mereka menyebut nama Allah pada hari yang telah ditentukan atas rezeki yang Allah telah berikan kepada mereka berupa binatang ternak. Maka makanlah sebahagian daripadanya dan (sebahagian lagi) berikanlah untuk dimakan orang-orang yang sengsara dan fakir.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ  
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،  
إِنَّهُ هُوَ الْغَفُورُ الرَّحِيمُ.



## خطبة كدوا بولن جون

2023M/ 1444H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِينَةَ عَرْشِهِ وَمِدَادَ كَلِمَاتِهِ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ  
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا  
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،  
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ  
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ  
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَءَنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ  
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.*

*Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat*

*menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.*

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ،  
وَأَشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾